

PRAWO

7575

7575. Jul.

kat.komp.

DISPUTATIO POLITICĀ  
P R I O R;

Disquirens:

NUM JUDEX  
SEMPER SECUNDUM  
LEGES, AN ETIAM INTER-  
DUM SECUNDUM ÆQUITATEM  
JUDICARE DEBEAT?

Quam

DIVINO AUXILIANTE  
NUMINE,

CONSENTIENTE AMPLISSIMA  
FACULTATE PHILOSOPHICA,  
IN CELEBRI ALBERTINA

P R Æ S I D E

M. MATTHÆO Kunstmann/

R. P.

*Eruditorum publica disceptationi subicit*

JOHANNES FRIDERICUS Kressen/

Regiomonte Pruff.

Anno M DC LXXXVI. a. d. 8. Maji

H. L. Q. S.

---

REGIOMONTI, PRÆLO REUSNERIANO.

540. a.

V I R O  
MAGNIFICO, AMPLISSIMI<sup>q</sup>  
NOMINIS  
D O M I N O  
DNO. DANIELI  
BRESSEY/

Serenissimi ac Potentissimi Ele-  
ctoris Saxoniae Inspectori Telonii  
terrestris gravissimo, ejusdemque rei pen-  
sariae in Lipsiâ deputato supremo  
dignissimo,

Hæreditario Domino in Kahns-  
dorff & Pürsten &c.

MÆCENATI, PROMOTORI  
ac PATRUO venerando,  
colendo;



D.D.D.

*Qui feras undiq; agitandi studio in syl-  
vas & montes olim rapiebantur, iis  
more traditum fuit patrio, ut, quas  
belluas nanciscantur venando, earum den-  
tes Dianæ sacros facerent, rebus supra vo-  
tum fluentibus. Nec deerat, qui bipen-  
nem utring; obtusam sacris Minervæ ap-  
pendere liminibus, non dubitabat; neq;  
enim obscurum ipsi erat, non tam ad mu-  
neris dignitatem, quàm consecrantis ani-  
mum respectum haberi. Et mihi animus  
esse idem videtur, qui Magn.<sup>ca</sup> Tuæ Am-  
pl.<sup>dini</sup> retusam utring; exercitationem hanc,  
suspensâ licet diu cogitatione, tandem in-  
scribere suscepi, certò persuasus, Te, quem  
gravioribus addicisti studiis & negotiis a-  
nimum, hunc ad humiliora benevolè demis-  
surum, & Præsentem Laborem NOMI-  
NI TUO inscriptum, PATROCI-  
NIO FAVOREq; OPTIMI MÆ-*

CENATIS esse complexurum. Labor  
studiumq; hoc si AD SINUM TUUM  
FAVOREMq; admittatur, si gratum  
acceptumq; fuerit, nec inscriptionis sva-  
sorem pœnitebit consilii, nec me obsequii.  
Fave, atq; æqui boniq; consule, diu bo-  
nis artibus & Reip. superstes

Ita sperat

Magn.<sup>ca</sup> Tuæ Ampl.<sup>is</sup>

humillimus cliens

Joh. Frid. Kressen/  
Reg. Prut.



Veni admodum plures alia in Politicâ scientiâ occurrunt utiles, arduæ, magnisque difficultatibus involutæ controversiæ: ita non minor obscuritas, quæ tamen juxtâ varietate jucunda & insigniori se commendat utilitate, reperitur in iis, quæ super Officiô Judicis agitari & moveri possunt, quæstionibus. Id quod dicimus, suô testimoniô comprobare valet Favorinus Philosophus. Apud Gellium enim Judicem Romanum petebatur pecunia, quæ dicebatur data numerataque sed qui petebat, neque tabulis, neque testibus id factum docebat. Et argumentis ad modum exilibus nitebatur, constabat verò eum virum esse ferme bonum, multa quippe & illustria probitatis ejus exempla expromebantur: illum autem, unde petebatur, hominem esse non bonæ rei, convictumque vulgò in mendaciis, plenum item perfidiarum & fraudum esse, ostendebatur; is verò cum suis Patronis clamitabat, probari debere consuetis modis apud Gellium Judicem, pecuniam ipsi datam esse, si non probaretur, dimitti se oportere, & adversarium de calumniâ damnari. Gellius, quid agendum, dubius, jussit diem diffindi, atque à subselliis ire perrexit ad Favorinum Philosophum, quem in eò tempore Romæ plurimum sectabatur, atque ei de causâ ac de omnibus, quæ apud ipsum acta fuerant, ut res erat, narrat omnia, ac petit, ut & ipsum illud, in quò hærebat, & cætera etiam, quæ observanda ipsi forent in Officiô Judicis faceret ipsum, ut earum rerum esset prudentior. Tum Favorinus: *Id quidem, inquit, super quò nunc deliberas, videri potest*

potest specie tenui parvâque esse, sed si de omni quoque Offi-  
 cîo Judicis praire Tibi me vis, nequaquam est vel hujus loci  
 vel hujus temporis: est enim disceptatio ista multijugæ  
 & sinuose quæstionis, multâque & anxîâ curâ &  
 circumspiciendâ indigens, ut hæc ipsa refert Gellius Noct.  
 Att. XIV, 2. Ex plurimis illis, quæ circa materiam de Offi-  
 cîo Judicum in quæstionem venire solent, controversiis  
 hæc vice eam proponere & ventilare placuit, quâ disquiri-  
 tur: An Judex semper secundum Leges scriptas, an verò in-  
 terdum etiam secundum æquitatem judicare debeat? Quid  
 de hæc quæstione statuendum sit, ut manifestum fiat, in an-  
 tecessum, quid lex, quidque æquitas sit, venit excutien-  
 dum.

§. II. Lex, de quâ nobis maximè sermo est, est illa, quæ Ari-  
 stoteli vocatur *lex propria*, quâ Vir aliquis prudens potestatē  
 habens alicui populo, vel quâ Civitas ipsa sibi communi con-  
 sensu sanxit & statuit, publicæ salutis ergo sive in Scripturam  
 redacta sit, sive non. ὁ ἢ νόμος ἀναγκαστικὸν ἔχει δυνάμιν λό-  
 γου ὡν δὴ τὸν Φεγηήσεως καὶ νῆ, quæ Lambinus ita: *Lex  
 autem vim habet ad cogendum valentem, quum sit ratio ab  
 aliquâ prudentiâ menteque profecta*, ita describit legem Phi-  
 losophus lib. Eth. X, 10. paulò ante med. Νέμος δὲ ἔστιν ἐμο-  
 λόγημα πόλεως κοινόν διὰ γραμμάτων προστάτην πῶς χρὴ  
 πράττειν ἕκαστῳ, quæ Franciscus Philelphus interpretatur ita:  
*Lex est communis Civitatis consensus, qui scriptis præceperit,  
 quò modò unumquodque agendum sit*, ita Aristot. lib. de Rhet-  
 oricâ ad Alexandr. c. 2. satis ab initio. Idem repetit, cap.  
 sequenti ante med. Rhet. I, 13. paulò ab init. hæc Philoso-  
 phus habet: λέγω ἢ νόμον τὸν μὲν ἴδιον τὸν ἢ κοινόν ἴδιον μὲν,  
 τὸν ἕκαστος ἄριστον πρὸς αὐτὸς, καὶ τῶν, τὸν μὲν, ἀγα-  
 Φον.

Φον τὸν ἢ, γεγραμμένων κοινὸν ἢ, πὲν κ' Ἐπίσιν ἔστι γδ, ὃ μαν-  
τεύοντά τι πάντες, φύσιν κοινὸν δίκαιον καὶ ἀδίκον, καὶ μηδεμίαν  
κοινωνία πρὸς ἀλλήλους ἢ, μηδὲ συνήκη. quæ Muretus ita vet-  
tit: *Legem autem dico aliam propriam, aliam communem:*  
*propriam quidem eam, quam sibi quisq; populus statuit, eamq;*  
*aut non scriptam, aut scripto comprehensam: communem au-*  
*tem eam, que naturalis est. Est enim justum quoddam na-*  
*turâ: & injustum, de quò homines, quasi divinò quòdam in-*  
*stinctu vaticinantur, etiamsi nulla de eò inter illos communi-*  
*catio aut pactio intercesserit. Neque enim ad rationem &*  
*essentiam legis præcisè requiritur descriptio Legis vel in*  
*membranâ, vel in ære, institutione enim etiam vocali &*  
*quidem firmiter atque potentius menti imprimi potest.*  
Quò modò Lycurgus vetuit Leges suas scripto mandari, ut  
melius animò servarentur, uti testatur Plutarchus in Lycurg.  
Tom. I. f. 47. A. Et, si scriptura ad essentiã legis pertinet, quid  
fiet vetustissimis mortalium, omnium literarum penitus ru-  
dibus? De quibus audiamus Josephum contra Apion. lib. II.  
fol 88. ant. med. *Legislatorem nostrum* (de Mose loquitur) *di-*  
*co omnibus, quotquot usquàm commemorantur, Legislatoribus*  
*vetustate antecellere. Lycurgi enim & Solones, & Locrorum*  
*Zaleucus, denique omnes, qui apud Græcos sunt in admiratio-*  
*ne nuper admodum, si cum illò conferantur, fuisse comperiun-*  
*tur: quippe quum ne nomen quidem ipsum Legis (vòus) quon-*  
*dam apud Græcos notum fuerit, vel Homerò teste, qui in suo*  
*Carmine nunquàm eò usus est. Neque enim erat ejus tem-*  
*pore lex, sed indefinitis sententiis Regumque imperatis plebs*  
*regebatur. Unde & diu moribus non scriptis usi fuere: multa*  
*eorum è re nata subinde mutare soliti. Quid fiet omnibus*  
Barbaris, apud quos itidem nullus scribendi usus? quales  
erant præsi Germani, quos inclusas canticulis Leges suas  
canere

canere publicè privatimque jussisse Tuisconem, illum Germanorum Regem atque Parentem memorat. lib. I. Annal. Bojor. fol. 38. Aventinus ex Berosò; qui modus cantu leges memoriæ mandandi olim receptissimus fuit, adeò, ut hinc leges Cantilenæ fuerint dictæ, de quò conf. Arist. Problem. XXVIII. sect. 19. Quæ hæctenus à nobis super scripturâ Legum disputata sunt, concludemus Aristot. testimoniò, quod legitur in præclarissimò ejus de rectâ Juventutis & Legibus consonâ educatione discursu: γεγραμμένων δὲ, inquit de Legib. ἢ ἀγεσθῶν, εἰδὲν αὖ δόξειε διαφέρειν, i. e. *utrum scriptæ sint, annon scriptæ, nihil referre videtur.* Eth. X, 10. med. Essentiam igitur & formam Legum dicimus potius consistere in expressâ sanctione & latione, sive ea fiat voce, sive scriptò, sive aliò quocunque modò, per hanc enim lex, Lex est.

§. III. Leges, quas modò descripsimus, à Legislatoribus concipiuntur universaliter. Ὁ μὲν νόμος καθόλου πάντων, *omnis lex generalis est*, ait Arist. Eth. V, 14. ante med. A quò non abscedit Demosthenes, qui in Oratione in Aristogitonē fol. 492. legem vocat κοινὸν συνθήκων τῆς πόλεως, *communem Reip. sponsionem, commune pactum*; & Jctus Papinianus in leg. i. ff. de Leg. ipsam appellat *commune præceptum.* Non incommodè huc referimus, quod Heraclitus, quum Ephesii legem contra ipsum tulissent, dixit: *Audio, Ephesios legem contra me laturos, & ab omnibus Legibus abhorrentissimam. Lex enim nulla duntaxat in unum statuitur, sed judicium. Nesciunt Ephesii quò discrimine Judex & Legislator sint distincti. Et hoc quidem melius, siquidem incertum est, quisnam sit facturus; Judex verò conspicit ob oculos in iudicium adductum, cui pœna constituitur.* Hæc Heraclitus in Epistolâ ad Hermodorum, quæ reperitur in volumine Anonymi



mi cujusdam, in quò congestæ sunt epistolæ Philosopho-  
 rum, Oratorum & Rhetorum sex & viginti, quod Venetiis  
 ap. Aldum est excusum. Lex igitur à Legislatore condi-  
 tur generalis. Non enim singulis, sed *universo generi*, ut  
 ita Obertus Gifanius ad l. c. Aristotelis loquitur, statuitur.  
 Cui amicè consentit Ulpianus, quando leg. 8. ff. de legib.  
 inquit: *Jura non in singulas personas, sed generaliter consti-  
 tuuntur.* Siquidem neutiquam possunt leges specialiter  
 sanciri: causa ejus est non in legibus, sed partim in legisla-  
 toribus, uti notat Philosophus Rhet. I, 13. post med. qui sin-  
 gularia ac facti circumstantias prævidere propter ἀκαταλη-  
 ψίας quandam nequeunt, partim etiam, & quidem potissi-  
 mum *in naturâ rerum earum, quæ sub actionem cadunt*, uti  
 Aristor. non tantum Eth. V, 14. med. sed & Eud. IV, 8. loqui-  
 tur: nam μή δυνατὴν εἶναι τῶν πραγμάτων φύσιν διορισμῶ κα-  
 θυποληθῆναι, ἄλλο τε ἄλλως ἐχόντων. Ἄριστος γάρ ἔστιν ἡ τῶν  
 πραγμάτων ἕλη καὶ πολλὰς ἐχὼ τὰς μεταβολὰς, quæ verba sunt  
 Andronici Rhodii, ut creditur, in cit. loc. Eth. V. & à Da-  
 niele Heinziò ita redduntur: *Definitioni se subjici rerum na-  
 tura non patitur, quum aliò atq; aliò se habeant modo. Indefi-  
 nita enim est rerum agendarum materia, multasque mutatio-  
 nes admittit.* Et Rhet. I, 13. aliq. à fin. Aristoteles ita lo-  
 quitur: Ἀνάγκη οὐ μὲν ἢ καθόλου εἰπεῖν, μὴ ἢ δὲ, ἀλλ' ὡς ἴπι-  
 σσοπέλω. καὶ ὅσα μὴ ῥάδιον διορίσαι δι' ἀπειρίαν εἶναι, ἢ τρεῖς αἰ-  
 σιδήρω, καὶ πηλὸν καὶ πῶμα πινί. Ἐπιπέλω γὰρ δὴ ὁ αἰὼν ἡσθε-  
 μένους. Ἄν ἔν ἢ ἀδιόριστον δέη δὲ νομοθετῆσαι, ἀνάγκη ὅπλ' ἴς  
 εἰπεῖν. Quæ Muretus ita interpretatur: *Imò verò universè  
 quidem loqui (Legislatorem, de eò enim loquitur) necesse  
 est: res autem non ita se habet: sed plerumq;. Et quæcumq;  
 definire facile non est, propter infinitatem, ut quantum ἔστι quasi  
 ferrò quis alium vulneravit, atq; enim defecerit, si qui ea*

*enumerandò persequi velit. Si res igitur indefinita sit, & de eà tamen ferenda lex sit, legem universe loqui necesse est.* Gemina hisce habet Platò in Politicò sive in lib. de Regnò satis post med. fol. 135. D. edit. Marsil. Ficin. ubi ait: Ὅτι νόμος οὐκ ἂν ποτε δύναιτο τὸ, τε ἄριστον, καὶ τὸ δικαιοτάτον ἀκριβῆς ἅμα πᾶσι φιλαβῶν, τὸ βέλτιστον ὀπιτάτῃσιν, αἱ γὰρ ἀνομοιοτήτες τῶν ἀνθρώπων, καὶ τῶν πράξεων καὶ τὸ μηδέποτε μηδέν, ὡς εἰπεῖν ἔπ' ἑ, ἡσυχία ἄγειν τῶν ἀνθρώπων, εἰδέν ἕως ἀπλῆν ἐν εἰδένι περὶ ἀπάντων καὶ ὅτι πάντα τὴν χρεῖνον διαφαίνεσθαι τέχνῃ εἰς ἡλίαν, hæc ex interpretatione Marsilii Ficini ita sonant: *Quoniam lex nequit, quod optimum omnibus est & justissimum sincerè comprehendendo, semper ita, ut opere precium est, precipere, quando hominum actionumque dissimilitudo instabilisque rerum humanarum conditio facit, ut ars nulla simplex quicquam & in universum de omnibus, perque omne tempus valens constituere possit.* Idem ferè respondit Plato, quum à Cyrenæis rogaretur, ut leges ipsis scriptas relinqueret, Rempublicamq; constitueret, de quò legi potest Plutarchus in lib. ad Principem ineruditum, initio statim fol. 779. D. tom. II. Sufficit itaque, si Legislator jubet v. g. neminem esse lædendum aut vulnerandum: nec opus est, ut omnes circumstantiæ describantur, quandoquidem id fieri non possit. Quà in re nimis scrupulosi fuerunt olim populi Germaniæ Alemanni, Saxones, Franci, Longobardi & alii: sicut ex illorum legibus apparet, quarum magnam partem in unum Codicem compegit, & eruditissimo Glossario illustravit Frid. Lindenbrogius.

S. IV. Sed opinetur fortean quis, quoniam tanta est actionum in vitâ humanâ varietas, variis hisce factorum eventuumque speciebus succurri, & Justitiam in Civitate tantò felicius administrari posse, si multæ & quàm plurimæ Leges

leges sanciantur. Sed quis Vir prudens ita sentiret, atque tale quid suafurus esset populo, qui unice suæ salutis sit intentus, quum tale consilium non sit proficuum? ita enim Salus Reip. subrueretur, quies communis turbaretur: quod enim plures sunt leges, eò major litium fœtura; siquidem ἀντινομία, variaz & contrariaz interpretationes ex legum multitudine nimia resultant, docente Zasio de Orig. Jur. fol. 282. B. cc. fin. Pertinet huc Apophthegma Arcesilai, quod reperitur apud Johannem Stobæum serm. 41. de Republica fol. 248. ante med. *Quemadmodum, inquit, multos oportet invasisse in urbem eam morbos, in quâ multi sunt Medici, multa pharmacopolia: ita Remp. quoque eam morbidam esse necesse est, in quâ multis opus est Legibus.* Tacit. Annal. Lib. III. cap. 27. fin. ait: *Corruptissimâ Rep. plurimæ Leges.* Facere non possumus, quin eximii Philologi pariter atque Juris Consulti, Justi Lipsii verba, licet duriora non-nihil, allegemus. Ita verò habent: *Plato verissimè: ὅτι πλεῖστοι νόμοι, καὶ δίκαι αἰσθητέροις, καὶ βίαι μοχθηροί. Quod ubi plurimæ Leges, ibi & Lites, itemq; Mores improbi. Deus bone, quam rem tetigit! & usus ubiq; gentium, aut temporum hoc affirmabit.* Manemus in Romanâ Rep. paucas ea initiò habuit: paulò plures Decemviri addiderunt: & ita ad Principes fere mansit. Tunc sane plures: & à Justinianò plurimæ, quibus utimur; Lothario Imperatore, quum diu siluissent, eas reducente. -- *Receptæ igitur sunt: sed quò fructu? Certè illo litium, nemo negaverit: qua ex eò nimium quantum succreverunt.* Europam vide, & mentior, nisi maxima ejus pars circa istas occupatur. *Alii judicant, alii instruunt, alii agunt, & qui miserrimi sunt, eas habent. -- Nam quæ tam clara causa est, quæ non aliquâ lege, lege & imò interpretatione, (nam & has admisimus) obscuretur? Quæ*

*tam improba, cui non dent colorem? ars enim facta est Cau-  
sificina, & perire captare aut capere laudem habet.* Monit.  
& Exempl. Polit. II, 10. Id ergo dabit Resp. operam, ut non  
nimium multæ, sed pauca, optimæ, maximeque salutares  
constituantur. Auctor est Demosthenes legem fuisse apud  
Locros, ut si quis novam legem laturus esset, eam publicè  
collo in laqueum inserto suaderet; ut, si non placuisset lex,  
cives mox strangularent auctorem: unde factum est, ut in  
ducentis annis lex apud Locrenses nova nulla lata fuerit,  
eodem Demosthene teste Orat. contra Timocratem fol.  
480. A. *Quos imitatus Carolus M. quàm parcissimus fuit  
in condendis novis Legibus: adeò, ut, quum tam diu vixeris  
Rex atque Imperator, per pauca Legum capita sanxisse dicatur;  
sed in veteribus restituendis, ut servarentur, multus fuit: quò  
nomine eum maximoperè commendat Baron. Tom. IX.  
Annal. Anno Christi 801. f. 544. Quid? quod fieri non pos-  
sit, ut singuli articuli & casus, quò tempore, locò, & modò  
illi evenerint, legibus comprehendantur: experimur enim  
singulis fere diebus & horis alia & alia incidere negotia;  
licet igitur araremus, si singulis hisce casibus leges consti-  
tuere vellemus. Adducimus hic verba, quæ reperiuntur  
in Vol. II. Orat. Melch. Junii p. m. 401. init. Sunt, dicitur  
ibi, nisi mea me memoria fallit, Legum in Digestis novem  
millia centum nonaginta octo: in Codice quatuor millia  
quingenta quinquaginta quatuor: Constitutiones in No-  
vellis centum sexaginta sex. Verùm his non sunt compre-  
hensa omnia: nec quidem comprehendi potuerunt, ob  
negotiorum humanorum, tum multitudinem, tum variet-  
tatem, & ingenii imbecillitatem, quæ in rebus singulis ac  
contingentibus cæcutire sæpe solet. H. I.*

*§. V. Satius igitur fuerit, vanas has mittere cogitatio-  
nes,*

nes, & legem concipere universaliter, & quomam  
 busdam universaliter rectè dici non potest, exprimitur quod  
 fit plerumque. Ita enim Philosophus: ὁ μὲν νόμος καθό-  
 λος πάντας. Περὶ ἐπίων δ' ἐχ' οἷόν τε ἔρως εἰπεῖν καθ' ἕνα. Ἐν οἷς ἐν  
 ἀνάγκη μὲν εἰπεῖν καθόλως, μὴ οἷόν τε δὲ ἔρως, τὸ ὡς ἴσχυ-  
 πλέον λαμβάνει ὁ νόμος. Quæ Lambinus ita vertit. *Lex om-  
 nibus generalis est: de quibusdam autem rebus universè &  
 generaliter rectè precipi non potest. Itaq; quibus in rebus  
 Legis vocem universam ac generalem esse necesse est, id autem  
 non satis rectè fieri potest: in eis id sumit Lex, quod plerumq;  
 solet evenire.* Eth. V, 14. circa med. *Ubi fieri non potest, ut de  
 omnibus rectæ leges instituantur: de iis, quæ ut plurimum  
 eveniunt, institui consuevere,* ita ad l. c. Michael Ephesius.  
 His planè consentiunt Jcti Romani, qui hoc ipsum in le-  
 gibus suis inculcant. Refert enim Pompon. l. 3. ff. de leg.  
 Theophrastum dixisse, *jura constitui oportere in his, quæ  
 ἴσχυ τὸ πλείον, i. e. ut plurimum accidunt, non quæ ἐκ ὀφθαλ-  
 γος, i. e. ex inopinatò.* Julianus l. 10. ff. de leg. ait: *Neque Le-  
 ges, neque Scta, ita scribi possunt, ut omnes casus, qui quan-  
 doq; inciderint, comprehendantur: sed sufficit, & ea, quæ ple-  
 rumq; accidunt, contineri.* Paulus ex modò laudatò Theo-  
 phrastò l. 6. ff. de leg. ait: *τὸ γὰρ ἀπαξ ἢ δις, i. e. quod enim  
 semel aut bis existit τὰ ὀφθαλμίων ἐν νομοθέται, i. e. pra-  
 tereunt Legislatores.* Conferri etiam huc potest l. 4.  
 loci cit. Res hæc elegantissimo simili declaratur in Pla-  
 tonis Politicò sive Tractatu de regnò fol. 185. φέρε νῦν,  
 ἀναλαβὼν πάλιν μνήμη τὰς τῶν τέχνη γυμναζόντων ἴσχυ-  
 τάξεις ἐν ταῖς ταύταις δεχαῖς. Σω. τὸ πῶτον. ΕΒΝ. ὅτι λη-  
 πτεργεῖν σὺν ἐγχωρεῖν ἡγῶνται καθ' ἕνα ἕκαστον τῶ σώματι τὸ πρῶ-  
 σῆκον ἕκαστω πρῶτον. ἀλλὰ παχύτερον οἰοῖται δεῖν ὡς ἴσχυ-  
 πολὺ καὶ ἴσχυ πολλὰς τὴν τε λιστελέντος ταῖς σώμασι ποιέσθαι

τάξιν. Σω. καλῶς. Ξ. διὸ δήγε καὶ ἴσως πόνους νῦν διδόντες ἀθροίους,  
 ἅμα μὲν ἐξορμῶσιν, ἅμα δὲ καταπαύσει δέουσι, καὶ πάλιν, καὶ  
 πόνων τῶν κατὰ τὰ σώματα πόνων. Σω. ἔστι ταῦτα. Ξ. καὶ τὸν νο-  
 μοθέτην τοῖνυν ἠγώμισθε, τὸν ταῖς ἀγέλαις ὄπισματήσονται τῶν δικαίων  
 πρὸς καὶ πᾶν πρὸς ἀλλήλους ξυμβολαίων, μήποθ' ἰκανὸν γνήσεσθε,  
 πᾶσιν ἀθροίους προσηύθησθε ἀκριβῶς ἐν ἑκάστῳ τὸ προσηύκον ἀπο-  
 δίδονα. Σ. τὸ γὰρ εἰκός. Ξ. ἀλλὰ τὸ τοῖς πολλοῖς γε, ὅμαι καὶ ὡς  
 ὄπισμα πολὺ καὶ πως ἔτωσιν παχυτέρως ἑκάστοις τὸν νόμον ἴσσειν,  
 καὶ ἐν γράμμασιν ἀποδίδει, καὶ ἐν ἀγροματίαις πατρίοις δ' ἔχει  
 νομοθετῶν. Σ. ὁρθῶς. Quæ Marsil. Ficinus ita transtulit:  
 Hosp. Age nunc, referamus memoriâ præcepta illorum, qui ar-  
 te quâdam Gymnastiis præsumt. Socr. Quenam? Hosp. Ar-  
 bitrantur quidem illi fieri non posse, ut quod sigillatim & uni-  
 cuiq; seorsum convenit, præcipiatur. Itaque quod communius  
 est, quodq; & plurimis & plurimum conducere putant, insti-  
 tuendum censent. Socr. Præclarè. Hosp. Quam ob rem dum  
 aquis laboribus hodie cunctos adstringunt, paribusque exer-  
 citationibus agitant, fit ut vel nimis incitent, vel enervent, &  
 inepta ad cursum palestramq; & alia certamina corpora red-  
 dant. Socr. Sic accidit. Hosp. Legum quoque conditorem pu-  
 temus suis gregibus præsentem, deque justis operibus mu-  
 tuisq; commercii jura dantem non posse dum cunctis in unum  
 consulit, accuratè ad singulorum commoditatem jusve prospice-  
 re. Socr. Consentaneum est. Hosp. Caterum, ut arbitror,  
 quod & plurimis & plurimum conducit communiter instituet,  
 ac hujusmodi Leges & scriptis & non scriptis, sed Patriis mo-  
 ribus inducet. Socr. Rectè.

§. VI. Postquàm Legis Naturam & rationem, quan-  
 tum nobis hîc sufficere potest, expendimus, restat, ut etiam  
 quid æquitas sit, excutiamus. Describitur autem ea passim  
 à Philosopho ut Eth. V, 14. post med. διὸ δίκαιον μὲν ἔστι, καὶ  
 βίλ.

βέλπρον τινος δικαίον & τὸ ἀπλῶς δὲ, ἀλλὰ τὸ διὰ τὸ ἀπλῶς  
ἀμαρτήματ<sup>ος</sup>. καὶ ἔστιν αὐτὴ ἡ φύσις ἢ τὸ δίκαιον, ἐπανόρθω-  
μα νόμου, ἢ ἐλλείπει διὰ τὸ κατὰ. i. e. *equum bonum jus est,*  
*tum quòdā jure melius est, non eò, quod absolutè jus est, sed*  
*eò peccato, quod ex simplici & generali sermone natum est.*  
*Denique hac equi boni vis ac natura est, ut legis correctio*  
*sit, quā aliquid ei deest, propterea quod generaliter loqui-*  
*tur.* Eudem. IV. 8. ante med. ita: τὸ δίκαιον, αἰτ, δικαίον μὲν  
ἔστι, & τὸ κατὰ τὸν νόμον δὲ, ἀλλ' ἐπανόρθωμα νόμου δικαίον. i. e.  
*equum bonum jus est, non est tamen jus lege constitutum, aut*  
*legitimum, sed juris legitimi correctio.* Rhet. I. 13. post med.  
ita: τὸ ἰδίῳ νόμῳ καὶ ἐλεγεραμύρον ἐλλείμμα. τὸ γὰρ δίκαιον,  
δοκῆ δικαίον εἶναι. ἔστι δὲ δίκαιον, τὸ κατὰ τὸν γεγραμμένον νό-  
μον δικαίον εἶναι, i. e. *aquitas est partim propria legis & scri-*  
*ptæ supplementum. Equum enim videtur justum esse. Et*  
*aquum est, quod prater scriptam Legem justum est.* Igitur,  
quantum ex dictis colligere licet: *Aquitas est quidem sub*  
*genere Juris, est enim Jus quoddam, non tamen Lex, quum*  
*sit Legis ἐπανόρθωμα, correctio, non quasi legem antiquet,*  
*aboleat, aut tollat (hoc ipsum enim vis vocis correctionis*  
*evincere videtur, correctio enim nihil est aliud, quàm e-*  
*mendatio, & rei in melius restitutio; quod autem aboleretur,*  
*annihilatur & in totum tollitur, quum hoc corrigi, emenda-*  
*ri, & in melius restitui dici possit?), sed quod quā Lex, quam*  
*Legislator ob rerum naturam non nisi universaliter conci-*  
*pere potuit, deficit, atque peccat, suppleat & emendet, &*  
*quidem ita, sicut emendasset & supplevisset Legislator ipse,*  
*si præsens esset.* Optimè hæc explicat Andronicus Rho-  
dius in Paraphrasi suâ ad Eth. V. 16. Græca, quia verba ali-  
quantum proluxa sunt, omitimus: *Quæ, ait, ut plurimum*  
*accidunt, Legislatores respiciunt. Etenim ut homo peregrinus*  
*belli*

belli tempore muros ascendat atq; ex iis urbi subsidium ferat,  
raro evenit, sapius verò ut in detrimentum urbis ascendat.  
Cum ergo necessario illud sit sciendum, quò pacto ejusmodi sine  
servanda leges; praterea quando, & in quibus; oportet quo-  
que aliquem habitum dari, quò emendari errata possunt ejus-  
modi. Talis verò est equitas, qua defectum supplet Legis, &  
emendat erratum, novamq; definitionem, quam pratermisit  
illa, quia singularia non potest nosse omnia, adjicit. Dicit  
enim Vir equus omnem, qui ascendat, peregrinum mori debe-  
re, si insidiandi animò hoc fecerit. Sin feliciter rem gesserit,  
non modò conservari, sed & premiis affici debere. Quae ea-  
dem & Legislator dixisset, si adesse potuisset: aut si hoc ipsum  
scripsisset, Legem ejusmodi tulisset. Eòdemque modò similiter  
etiam alias Leges emendabit vir equus. Gemina hisce ha-  
bet Michaël Ephesius ad h.l. pluribusque exemplis adductis  
rem exponit: Quum dixerit, ait, equum & bonum legiti-  
mi juris esse emendationem, emendat enim, quod in eò pecca-  
tur: necessarium esse ostendit, legem, quae ex pacto constat,  
peccare ob rerum indeterminationem, quae alias aliter eveni-  
re consueverunt. Nam lex in universum sancit, eum qui de-  
positum non reddiderit, infamem esse atque ignominiosum.  
Peregrinum item si murum ascenderit, à civibus esse interfi-  
ciendum: nec non eum, qui rem cum alienà uxore habuerit,  
castigari debere. Atq; unumquodq; horum, id est infamia,  
interfectio, castigatio, justum est plerumque, sed incidit ta-  
men, ut interdum justum minimè sit, sed peccatum. Quò modò  
enim errans non est ac peccans jus illud, quod puniri jubet eum,  
qui Tyranni uxorem violavit, atq; ita interfectò Tyranno Pa-  
triam in libertatem asseruit? Quò modò item peccatum non  
est existimandum vel maximum, peregrinum eò nomine velle  
interficere, quod ingruentibus hostibus in murum ascendens  
fortiter



fortiter se gesserit, atq; urbem defenderit? Quum igitur lex in universum abstinendum esse ab alienâ uxore præscribat, ac propter ea ad supplicium trahatur, ille etiam, qui Tyrannum eò modò interfecerat, æquus ac bonus hæc in parte defectum legis corrigit. Si enim id novisset Legislator eventurum esse, legi procul dubio addidisset, lexq; in hunc modum fuisset scripta: A quâcunq; alienâ uxore abstinento, præterquam Tyranni, si ex tali concubitu Civitatis libertas procuratur. Et item: Peregrinus unusquisq; qui in bellò murum ascenderit, occidatur, nisi is, qui defendendæ urbis causâ id fecerit, fortiterque se gesserit.

§. VII. Succurrit igitur æquitas legis defectui, quando legem ita corrigit, ut ipsam restringat, quod exempla, quæ modò ex Ephesiò adducta sunt, declarant; ut tamen res tantò fiat luculentior, unum adhuc addimus exemplum. Sit lex v. g. ita generaliter concepta: Quicumque alienum servum occiderit, is Domino tantum dare damnas esto, quanti is eò annò plurimi fuerit: Si jam Titius occiderit Stichum Sempronii servum aggressorem, & Sempronius ita agat contra Titium ex lib. IX. D. l. 2. ad Leg. Aquil. Quicumque occiderit servum alienum, is damnas esto Domino dare tantum, quanti is eò anno plurimi fuerit; Titius verò occidit servum alienum, Stichum: Ergo Titius damnas esto dare Domino tantum, quantum is eò annò plurimi fuerit. Titius hic non negat se interemisse Stichum, quia factum fatetur, sed aggressorem se prostravisse addit. Ipsa itaq; æquitas hujusmodi casus singulares, excipit, ac proinde Reum Titium absolvit: Legem enim generaliter loquentem, Qui servum alienum occidit, damnas esto dare &c. ita restringit, nisi aggressor, nisi fur nocturnus, nisi diurnus cum telò, nisi latro sit, & si quæ singularia possunt esse plura. Sed forte æquitatis etiam erit, legem ad alios quoq; casus extendere.

dere, quàm in lege expressè sunt determinati. Accidere enim potest, ut lex de certâ aliquâ re jus statuat, alius tamen ab hâc oriatur casus, tùm si utriusq; ratio est similis, æquitas suadet, ut illa lex ad hunc quoq; nuper incidentem casum extendatur, eiq; propter idem æquitatis fundamentum applicetur. Elegantia in hanc rem sunt verba Quintiliani, quæ reperiuntur in Declamatione ejus CCCXXI. *Nulla, inquit, tanta providentia potuit esse eorum, qui leges componebant, ut species criminum complecterentur. Nam & semper caventes nequitia vicisset: & jus ita multiplex atq; diffusum esset, ut pro incertò haberetur ignotum. Fecerunt ergò ut rerum genera complecterentur, & spectarent ipsam æquitatem. Multa ergo invenientur frequenter, quæ legum verbis non teneantur, sed ipsâ vi & potestate teneantur: quale hoc est. Sane enim concedam in presentia Tibi, non illud iudicium capitis: si tamen eandem vim habuit, quam iudicium capitis, eandem poenam habere debet. Fingamus enim plura esse scelera, sicuti sunt, quæ ante punienda sunt. Nam quum lex etiam eum, qui falsò accusaverit, occidat velit: manifestum est occidendū esse eum, qui templa incenderit, occidendum esse eum, qui Patriam prodiderit. Exemplò aliò dicta illustramus. Lege XII. Tabb. decretum erat, ut proximus agnatus tutelæ onus subiret, quod ab intestatò hæres esset, ut est ap. Rosin. Antiq. Rom. IIX, 6. p. 590. post med. nec non ap. Conr. Rittersh. in tractatu, què vocat Dodecadeltos p. 105. post med. Eâ lege expressè non erat prospectum libertorum pupillis: quum itaque eadem in utrisque ratio deprehendatur, quod sicuti proximus agnatus ab intestatò, ita libertò Patronus succederet, & ad utrumq; commodum hereditatis perveniret, extensione facta etiam Patronum tutela pupillorum liberti onerârunt. Nam ubi est successioneis emolumentum, ibi & tutelæ esse debet. <sup>onibus</sup> *Secundum naturam est, commoda cuiusque rei eum sequi, quem sequuntur incommoda,**

*moda, dicitur in D. lib. 50. t. 17. leg. 10. quod hic secundum naturam esse dicitur, illud Terentius Equum appellat, quando in Hecyrâ Act. V, sc. 3. fin. ita ait: Multa ex quò fuerint com-  
moda, ejus incommoda equum est ferre. Atq; hic est ille pro-  
cessus ad similia, qui exprimitur D. de Leg. l. 12. Non possunt  
omnes articuli singulatim aut legibus aut Senatus Consultis  
comprehendi; sed quum in aliquâ causâ sententia eorum ma-  
nifesta est, is, qui Jurisdictioni præest, ad similia procedere, atq;  
ita jus dicere debet. Idem l. 13. inculcatur. Ea verò ita habet:  
Peditus ait, quotiens lege aliquid unum vel alterum introdu-  
ctum est, bona occasio est cetera, que tendunt ad eandem utili-  
tatem, vel interpretatione, vel certè Jurisdictione suppleri.*

§. VIII. Sed quid dicendum, si quærat: An Æquitas  
semper est benignior, nunquàm severior interpretatio le-  
gis? Respondemus: Non negamus usum obtinuisse, ut illi po-  
tissimum dicantur æqui & boni, qui poenam in legibus statu-  
tam potius mitigant, quàm exasperant. Hinc æquitas Cice-  
roni vocatur *Juris laxamentum* in Orat. pro Cluentiò: con-  
jungit idem æquitatem cum facilitate, quando de Serviò di-  
cit: *Quod non magis Juris Consultus, quam Justitia esset, & quæ  
proficiscebantur à Legibus & à Jure Civili semper ad facilitate-  
tem æquitatemq; referret.* In Orat. IX. tom. fol. 900. G.  
In Jure Civili æquitas venit nomine *Benignitatis*, ut leg. 56. D.  
de R. J. *Humanitatis* l. 112. §. 2. D. condit. & demonstrat. l. 3. de  
offic. Prætor. appellatur etiam *benigna* l. 112. §. 1. D. de condit.  
& demonstrat. *Benignior* l. 192. D. de R. J. *Interpretatio*. Item  
*humanior sententia* l. 8. D. de pact. *Benignior acceptio* l. 1. §. 13.  
D. de obligat. & act. Eo verò adduci non possumus, ut exi-  
stimemus, æquitatem nullò modò dici debere severiorem  
legis interpretationem. v. g. Lex apud nos est: Qui hominem  
interficit, decollator. Jam si quis Magistratum suum occide-  
ret, hæc certè poena per æquitatem foret exasperanda. Huc  
non

non incommodè referimus verba Philosophi ex Eth. V, 8.  
 paulo ab inicit. *Εἰ δὲ χλὴ ἔχων ἐπάταξεν ἢ δέϊ ἀντιπληγῆναι. καὶ εἰ  
 ἀέχοντα ἐπάταξεν, ἢ πληγῆναι μόνον δέϊ, ἀλλὰ καὶ κολασθῆναι. i. c.*  
*Si quis Magistratum gerens aliquem pulsaverit, non est referien-*  
*du: & si quis eum, qui Magistratum gerat, pulsaverit, non modò*  
*verberandus, sed & castigandus est.* Inde factum, ut Aristote-  
 les æquitatem non describeret esse mitigationem, sed corre-  
 ctionem ἐπανόρθωμα legis, quæ fieri potest & mitigandò &  
 exacerbandò. Neque inde Aristotelem nobis contrariari pu-  
 tandum est, quod Eth. V, 14. circ. fin. virum æquum sequenti  
 modò describat: *Ὁ μὴ ἀκριβοδίκαιος ὅτι τὰ χεῖρον, ἀλλ' ἐλαττω-*  
*πικὸς, καὶ περ' ἔχων τὸν νόμον βονθόν, δεικνύς δέϊ.* Quæ Lambi-  
 nus ita reddidit: *Qui non est juris interpres in suâ causâ du-*  
*rior neque in deteriore partem propensus atque implicatus,*  
*sed de suò concedit potius, etiamsi legis auxiliò niti possit: is est*  
*æquus bonus.* Sed Aristoteles l. c. nobis plane non adversatur,  
 quod cuius patebit, qui, quæ Michael Ephesius ad l. c. com-  
 mentatus est, expenderit, cujus explicationem propterea  
 addimus. Verba ejus hæc sunt: *Erit igitur æquus & bonus,*  
*qui -- non erit exactus juris executor in pejorem partē, h. e. qui*  
*omnia, quæ in Legibus sunt scripta, servare studebit, in pejorem*  
*partem interpretans. Non enim acerbè punire vult mala per-*  
*petrata, neq; in scriptò persistit, sed sententiam magis Legislato-*  
*ris sectandam censet: etiamsi lex, i. e. scriptum ipsi ad hoc, i. e.*  
*ad acerbè puniendum auxiliari ac favere videatur.* Ex quibus  
 clarum est, Aristotelem h. l. illam legis severiorem interpre-  
 tationem ab æquò virò removere, quæ est contra legislatō-  
 ris mentem & sententiam, in quâ nec nos æquitatem poni-  
 mus, sed talem interpretationem acerbiorē ad æquitatem  
 reducimus, quam ipse legislator, si præsens foret, approbaret.

Committunt ergò tale quid objicientes fallaciam  
 ignorationis Elenchi.

